


# Urkha ta Alaha





# **ALAHA BRELË BRITHA W KUL MËNDANË D IBAY KHAYË**

**B sharetha Alaha brelë ar'a  
w shmayya.**

Britha 1:1

**Bgaweh pëshlë bërya kul mëndi b ar'a  
w bë shmayya.**

Qolosayë 1:16

**Marya mbarëkh bgawokhu, awa  
dë 'wëdhlë ar'a w shmayya.**

**Shmayyatha kullay d Marya ilay,  
w ar'a këm hewëlla ta bnenasha.**

Mazmora 115:15,16

**Ar'a la ëthwaba 'eba kud këm hewëlla  
Alaha ta barnasha. Qrila 'adhi kthota tad  
yedhët maha brelë.**

# ALAHA KËM BARELAN



**Alaha merë , "Shud 'odhukh barnasha  
l şalman w şurtan w d hewukhlë  
shultana...l kulla ar'a..."      Britha 1:26**

# **BARNASHA PËSHLË GYANA BIKHAYË**

**W Marya Alaha gwëllë l barnasha mën  
'upra w npëkhlë bgaweh npakhta  
d khayë w pëshlë barnasha gyana  
bikhayë.** Britha 2:7

**W merë Marya Alaha, "Lelë randa  
d payësh Adam lkhodheh. Bëd 'odhën  
taleb !ayana khwatheh." W Marya  
Alaha shwëqlë l Adam d damëkh  
dmakhta !amuqta w twelë, w shqëllë  
khdha mën ël'atheh w këm qarëmla  
e duktha b pësra. Bathër dëkh mën  
d e ël'a Alaha 'wëdhlë bakhta w këm  
maqrula ta gora.** Britha 2:18, 21-22

# ADAM W HAWA !SELAY L ALAHA



Klazma d la sham'ukh l Saṭana chu gaha.

**W Marya Alaha kēm shaqëllë Adam  
w kēm darelë b pardesa d !Addan tad  
palëkhla w naṭera. W pqëdhlë Marya  
Alaha l Adam w merë ṭaleh: "Ibukh  
d akhlët mën kullay hilanë d pardesa  
d !Addan, ëlla la akhlët mën pera  
d hilana d idha!tha d ṭota w bështa,  
w b yoma d akhlët mënneh mḥaqqa  
bëd methët."**

Britha 2:15-17

**W khuwa d kqarelë Saṭana bisha, mdugëllë  
w zrelë shukkak b shultana d Alaha.**

**W merë khuwa ta bakhta: "La kmethat  
myatha mḥaqqa." Kud khzela bakhta  
d ilë hilana mar ṭëm'a w mshahyana ta  
'enë, w k-hewël ḥëkhëmtha, shqëlla mën  
pera w khëlla, w hewëlla ham ta gora w  
ham awu khëllë.**

Britha 3:4,6

# ADAM W ҲAWA LAPPËSH LEWABAY D PESHIWA B PARDESA D !ADDAN




W Marya Alaha këm palëtlë Adam mën  
pardesa d !Addan, tad khapër w palëkh  
ar'a d pëshlë 'widha mënnah, w drele  
tama kha malakha tad natër 'urkha ta  
hilana d khayë.

Britha 3:23,24



# KHA YOMA ҲASHSHA WEWA TA BARNASHUTHA KUD ҲTELAY ADAM W ҲAWA



B kha barnasha 'wera khtitha l !alma, w  
bë khtitha 'werë motha, w hadakh präslë  
motha b kulla barnashutha. Romayë 5:12

## MËNDI TA TKHARA

**Kullan k-hawukh w ëmman khtitha. Kha  
yoma béd methukh med motha thelë  
b khtitha. (Qrila Romayë 5:12 gaha khërta)**

# DABARTA D ALAHA WAWA DĒ MSHADĒR BRONEH !AZIZA



**Bĕd mahuya brona  
w bĕd qarĕttĕ  
shĕmmeh Isho!,  
med awu bĕd  
mkhalĕş l !amma  
diyeh mĕn  
khĕiyatha diyay.**

**Mattay 1:21**

Tad lawĕshwa Bĕr d Alaha  
barnashutha, klazma  
d hawewa khdegĕd yala zora.

**Kulla kamilutha d Alaha ksharya  
b Isho! Mshiĥa b barnashutheh."**

**Qolosayĕ 2:9**

# **ISHO! ILË ALAHA B DUMYA D BARNASHA**

**Tanetha wewa mën sharetha, w tanetha  
wewa ëmmëd Alaha, w tanetha wewa  
Alaha. Tanetha pëshlë paghra w shrelë  
benathan.**

**Yohannan 1:1,14**

**W kulla adhi brelë tad kamël mëndi  
d mërwalë Marya bë nwiya:  
"Btholta béd batna w béd  
mahuya Brona, w béd qaralë shëmmeh  
!Ammanuel," d ilë pushaqeh: "Alaha  
ëmman."**

**Mattay 1:23,24**

**Talan yala pëshlë huya, talan bron  
pëshlë hwila, w hukma béd hawë l rusheh,  
w shëmmeh béd payësh qërya M!ajbana,  
Mbasmana, Alaha Gabbara, Baba  
Abadinaya w Malka dë Shlama.**

**Esha!ya 9:6**

# **ISHO! MSHIḤA DEWḤA DIYAN KMILA**

**...Awa d lelē ḥēṭya chu gaha...**

**2 Qorēnthayē 5:21**

**O d la 'wēdhlē khṭitha..**

**1 Paṭros 2:22**



**La hwēllebē barnasha  
d 'awēdhwa khḏha  
dēwēḥtha kmēlta tad  
par'awa khṭitha.**

**La kbarē l khṭitha  
d pēsha preta  
b dēm̄ma d gēdyē  
w torē.**

**!Ebrayē 10:4**

**Isho! ilē Para (Barkha) d Alaha. Adhi ilē  
Para d Alaha, dē kṭa'ēn khṭitha  
d !alma.**

**Yohānnan 1:29**

# ISHO! HWĒLLĒ KHAYEH TAD MKHALĒSLAN

Isho! wewa mbusēmra l şliwa mēn sēnyutha w bishutha d nashē mar lēbba qēshya. Ham mothēh wewa mēn dabarta d Alaha. Isho! b kul !ējboneh w azutēh hwēllē khayeh ta motha ta dē mkhalēs ana w ayēt mēn khtiyathan.

Isho! merē: "Leth nasha d shaqēl khayi mēnni, ana k-hewēnnay mēn gyani. Ibi d k-hewēnnay, w ibi d shaqlēnnay gaha khērta." .. Yoḥannan 10:18

## *Iwukh khlišē b Dēm̄ma d Para d Alaha*

Lewotun khlišē b mēndanē ar'anayē dē kfanay, khdegēd dehwa w sema, ēlla pēshlokhun zwinē b dēm̄ma dē Mshiḥa mar ṭima, d pēshlē nkhira khdegēd Para dla eba w dla muma.

1 Patros 1:18,19


LETH DEWHĒ KHĒNNĒ D IBAY D PAR'I KHTITHA.

Kullan pēshlan mqudshē b khdha dēwēḥtha d paghra d Maran Isho! Mshiḥa.

!Ebrayē 10:10

**Dëkh d pëshlan mzykyë b dëmmeh, hadakh  
bëd hawukh khlişë mën hëmtha d Alaha  
b Isho!.** Romayë 5:9

"Mari tkhori  
iman d athët  
l Malkuthukh."



Adhi  
mashêlkhana  
mhimënnë  
b Isho! w khlëslë.

Adhi mashêlkhana  
la mhimënnë  
b Isho! w la  
khlëslë.

**Maqa d wukhwa hëttayë, Mshiha mëthlë  
mbadalan.** Romayë 5:8

**KUL AWA DĒ MHEMĒN BĒ BRONA  
D ALAHA BĒD HAWELĒ KHAYĒ**

**Hadakh b'elĕ Alaha l 'alma wĕl  
dĕ hwĕllĕ Broneh ihidhaya,  
d kul man dĕ mhemĕn bgaweh  
la k-halĕk, ĕlla bĕd hawelĕ  
khayĕ dĕl abad.**

**Yohannan 3:16**

**Kĕm khalĕslan mĕn shultana d khĕshka  
w bisha w kĕm mathelan l malkutha  
dĕ Broneh 'Aziza, Awa dĕ bgaweh ĕttan  
khalas b dĕmmeh w shuqana  
dĕ khtiyatha.**

**Qolosayĕ 1:13,14**

# ISHO! QËMLË



**Merë malakha, "La zad'utun, kidhën  
d iwotun bëjyala l Isho!, o dë pëshlë  
şliwa. Qëmlë, lelë akha, dëkh dë merë.  
Hayo khzo eka wewa dërya."**

**Mattay 28:5,6**



# ISHO! QĒMLĒ MĒN BENATH MITHĒ

Ana iwën awa d wewa mitha, iwën bikhayë,  
khzo pëshli bikhayë wël abad, Amen. W  
b idhi lay qdhilë d shyol w motha.

Gëlyana 1:18

Med iwën bikhayë, ham akhtun béd  
khayotun.

Yohannan 14:19

Klazma d la zadukh mën motha, med Mshiha këm  
tawerë ta motha, w këm shaqëllay qdhileh.

Ën zad'ën, btaklën ëllukh.


Mazmora 56:3

ISHO! IBĒ DĒ MKHALĒSLUKH.

Isho! ilë bikhayë wël abad, w mën hadakh  
b dayëmutha ibë dë mkhalës kul anay  
d athay l gebëd Alaha b Isho!, med ilë  
bikhayë w bëtlaba talay.

!Ebrayë 7:24,25

# ANA W AYËT IBAN D HAWELAN KHAYË ABADINAYË



B ema  
'urkha iwët  
bërkhasha?

Isho! Mshiha ilë 'urkha ta khayë  
abadinayë ëmmëd Alaha.

Saṭana bisha ilë 'urkha ta **motha**  
abadinaya.

**Mgabi 'urkha ṭota ta khayë abadinayë.**

## **EMA URKHA BËD MGABËT?**

**Mgabo ta gyanokhu b adhi yoma  
o d kibotu dë khadmutulë.**

Isho! Bar Nun 24:15

**Badam mgabo w shqulu khayë, ta  
gyanokhun w ta yalë d yalokhun tad  
khayotun.**

Tnin Namosa 30:19

**ISHO! ILË URKHA TA KHAYË ABADINAYË.**

**Leth khalas b chu nasha khënna, med leth  
shëmna khënna kothëd shmayya hwila ta  
bnenasha dë bgaweh peshukh khlisë.**

Praksës dë Shlihë 4:12

**Ana iwën Marya Alaha w shwoq mënni  
leth mkhalasana khënna.** Esha!ya 43:11



4. *Med awa d qëmlë  
mën benath mithë  
Mshiha ilë.*

**Dëkh dë kidhukh  
Mshiha qëmlë mën  
benath mithë, w mën  
hadakh lappësh  
kmayëth gaha khërta,  
w motha lattë ëlleh  
shultana.**

Romayë 6:9

**Mëthlë mbadal kullan, w mën hadakh  
klazma l kul anay d ilay bikhayë shud  
khayay la ta gyanay, ëlla ta awa dë mëthlë  
mbadalay w qëmlë ga khërta.**

2 Qorënthayë 5:15

**Isho! merë, "Med iwën bikhayë ham  
akhtun béd khayotun." Yohannan 14:19**

*5. Med klazma d hawelan Ruḥa dē Mshiḥa  
bgawan tad qemukh mēn benath mithē  
ta khayē abadinayē.*

**Mshiḥa ilē bikhayē bgawokhun, awu lē  
ēmud dē msharkutun b shuḥeh.**

Qolosayē 1:27

**Ēn ilē Ruḥa d awa dē kēm maqēmlē  
ta Isho! mēn motha shērya bgawukh,  
har awu bēd hewēl khayē ta paghrukh  
mḥila w 'uprana b khela d Ruḥeh.**

Romayē 8:11

**MHAQQA ĒN ILĒ RUḤA DĒ MSHIḤA  
BIKHAYĒ BGAWUKH?**

**Kul mani d lattē Ruḥa dē Mshiḥa la  
ktabe'lē Mshiḥa.**

Romayē 8:9

# DĒKH IBUKH D QANĒT KHAYĒ ABADINAYĒ

Khzi patha d 24 wël patha d 29.



**Ham yala zora ibukh dē yedhëttë mën  
!wadheh.**

Mathlë 20:11

Ana kidhën d Isho! kibeli, med hadakh ilë  
kthiwa bë Kthawa Qaddisha.

# ISHO! KIBELAY KULLAY YALË ZORË

**Isho! këm qarelay l gebeh w merë,  
"Shwuqu yalë zorë d athay l gebi w la  
'arutulay, med ta mëkh d ani ila  
Malkutha d Alaha."**      Luqa 18:16

**Lelë b !ëjbona d Babokhun d ilë  
bë shmayya d halëk ham kha mën  
d ani zorë.**

Mattay 18:14

*Man d iwët w eka dë k-hawët, Isho! har  
kibelukh w mëthlë mbadalukh. Isho! kibë  
mënnukh d makhzët hubbukh taleh. Ibukh  
dë mbenëttë taleh ën sham'ët ëlleh.*

**Ën kibotuli, nturu puqdanë diyi.**

Yohannan 14:15

# DËKH IBUKH D ATHËT W QARWËT L ALAHA

*1. Imur ta Alaha d iwët hëttaya.  
(dë twerukh puqdaneh).*

**Kullan htelan w pëshlan prishë mën  
shuḥa d Alaha. Romayë 3:23**

*2. Qru l gebëd Alaha b Iso! Mshiḥa.*

**Kha Alaha ith lkhodheh w kha  
Mës!aya benath Alaha w bnenasha,  
d ilë Maran Isho! Mshiḥa. 1 Timatheos 2:5**

**Isho! ibë dë mkhalës kul awa d athë  
l gebëd Alaha bgaweh. !Ebrayë 7:25**

**Isho! merë, "O d athë l gebi  
la ktalqënnë barayë."  
Yohannan 6:37**



### 3. Tyu mën khtiyathukh.

(Tyawa = btala mën 'urkha dë khtitha  
w rkhasha b 'urkha khathta)

**Tyuwu w d'uru  
l Alaha w awu  
bëd shawëq  
talokhun khtiyatha  
diyokhun.**

Praksës dë Shlihë 3:19



**Msayëbranutha d Marya ëmman ila  
yarëkhta, med lakbë ham kha mënnan  
d halëk, ëlla kullan d qarwukh l gebeh  
bë tyawutha. 2 Patros 3:9**

### 4. Qor bë khtiyathukh ta Isho'.

(Qyara = modoyë ta Alaha)

*Kthulay b an rezë tanayatha d këm  
qarëttay: 1Yohannan 1:9, (b patha d 25)*

.....  
.....  
.....  
.....  
.....

*5. Mbatëllay khṭiyathukh.*

(dë mbatlëttay = d la da'rët ëllay ga khërta)

**Kul man dë mkasë khṭiyatheh,  
betheh la k'amër, w kul awa d qayër  
bë khṭiyatheh, w 'awër mënnay, béd  
khazë raḥmë mën Alaha.**

Mathlë 28:13

**Rhoq mën bështa w 'wodh tota.**

Mazmora 37:27



## **6. Mhemën b Isho! Mshiḥa.**

**Ën qerët b këmmukh  
d Isho! ilë Marya, w  
mhayëmnët b lëbbukh  
d Alaha këm maqëmlë  
mën benath mithë,  
bëd khalṣët.**

Romayë 10:9

**Pëshlokhun mkhulṣë b na!më d Alaha  
b hemananutha diyokhun, w lela  
mënnokhun, ëlla ila khleta mën Alaha,  
la bë !wadhë, d la nasha shaqël shuhara.**

Apëssayë 2:8,9

**Mhemën b Maran Isho! Mshiḥa, ayët w  
bethukh kullokhun, d khalṣutun.**

Praksës dë Shliḥë 16:32

**7. Qbol Maran Isho! Mshiha  
d 'awër l lëbbukh w khayukh.**

Pthokh lëbbukh ta Isho! w l'zomlë dë 'awër  
l khayukh.



Isho! merë:  
Iwën qima l tar'a  
w bëtrapa. Kul mani  
d shame' qali  
w pathëkh tar'eh tali,  
bëd 'orën l khayeh,  
w bëd akhlën ëmmeh  
w awu ëmmi.

Gëlyana 3:20

**Kul anay d këm qabilë, anay dë mhimënnay  
b shëmmeh, këm hewëllay d haway yalë  
d Alaha.**

Yohannan 1:12

## ŞLOTHA KRITHA

Ën kibët d talbët mën Maran Işo! Mşhiha d 'awër  
l khayukh, mşali adhi şlotha kritha:



**Mari Işo! Mşhiha,**

**Kşhakrënnukh  
d mëthlukh l şliwa ta  
khalaş diyi. Hteli, w la  
'arët ëlli l kul mëndanë  
dë 'wëdhli w qëmli  
darqul diyukh. Ktalbën  
mënnukh d athët  
l khayi w 'orët l lëbbi w  
d peshët wël abad.  
Iwën tkila ëllukh  
daha dë mkhallëttë  
lëbbi.**

**Kqablënnukh d hawët Marya w Mkhalaşana tali.  
Ktalbën w këmşalën b şëmmukh, Amen.**

**ËN ILË ISHO! B LËBBUKH,  
ËTTUKH KHAYË ABADINAYË**

**Alaha këm hewëllan khayë abadinayë, w  
an khayë ilay bë Broneh. Kul mani d ëttë  
Brona d Alaha, ëttë khayë.**

1 Yoḥannan 5:11,12

**Kul mani d shame' tanayathi, w mhemën  
b awa dë këm shaderi, ëttë khayë dël abad,  
w l dina la kathë, ëlla mshunelë mën motha  
l khayë.**

Yoḥannan 5:24

Iman d mayëth paghrukh, béd peshët ëmmëd  
Maran. (Qri 2 Qorënthayë 5:8)

**Mshiḥa ilë bikhayë bgawokhun, Awu ilë  
ëmud dë msharkutun b shuḥeh. Qolosayë 1:27**

Ën tlëblukh mën Isho! d shawëq talukh  
khtiyathukh w mhimënnukh d hawë Mkhalsana  
talukh, kthulë shëmmukh akha l tek.

.....

# DĒKH IBUKH D TAB'ĒT ISHO!



Qri pasqë mën Kthawa Qaddisha (Tanetha d Alaha) kud yum kud yum w iloplay mën lëbbukh, w ani bēd l'enilukh. (Kabira mēnnay ilay kthiwē b adhi kthawona.)

**Kol mēndi d ilē kthiwa bē Kthawa Qaddisha ilē kthiwa b Ruḥa d Alaha bē gyaneh, w ilē ṭawa ta yulpana d hemanuthukh, w ta l'adolē, w lē mṣalohē pēlmutha, w ta dabarta d kenutha.**

2 Tīmatheos 3:16

**MAḤKI ĒMMĒD ISHO!  
BĒ ṢLOTHA B KUL !ĒDDANA**

**Shkor Isho! I kul mēndanē ṭawē b khayukh.  
Myaqerē w ma!li shēmneh I kul mēndanē  
dē 'wēdhlē ṭalukh w ta khalas diyukh. Ṭlob  
mēneh I kul mēndi dē ksanqēt. Mṣalila ṣlothukh  
b shēmna d Isho!.**



**Kul mēndi d ṭalbukh  
mēneh bēd hewēllan  
ēn ṭalbukhlē mēkh  
!ējboneh.**

**I Yoḥannan 5:14**

**Kul mēndi d ṭalbēt mēn  
Babi b shēmni, bēd  
hewēllukh.**

**Yoḥannan 16:23**

**Mṣalo kha ta khēnna.**

**Ya!qu 5:16**

**Mṣalo mbadal anay dē kleṭilokhun w  
kēmhajēhjikokhun.**

**Mattay 5:44**



**ŞLOTHA DĒ MULĒPLĒ ISHO!  
TA TALMIDHĒ DIYEH**

(Talmidha = ilë kul nasha dë ktabe' l Isho!)

Isho! mulëplë talmidheh dë mşalay hadakh:

**Baban d ilë bē shmayya,  
payēsh mqudsha shēmmukh,  
athya malkuthukh.  
Hawē !ējbonukh, dēkh d ilë bē shmayya,  
hadakh ham b ar'a.  
Hallan lēkhma sunqana d ēdyu.  
Shwoq ṭalan gnahan w khṭiyathan,  
dēkh d ham akhni shwēqlan ta anay  
dē mtu!delay ēllan.  
W la mabirēttan l juraba, ēlla  
mkhalēşlan mēn bisha.  
Msabab diyukh ila malkutha w khela  
w tēshboḥta l !alam !almin, Amen.**

**Mattay 6:6-13**

**ËŞRA PUQDANË D ALAHA KMALPILAN  
MAHA KLAZMA D 'ODHUKH  
W DËKH KHAYUKH**

(Mapqana 20)

*Arba puqdanë qamayë ilay bahas hubban ta  
Alaha.*

- 1. La hawelukh Alaha khënna gher  
mënni.**
- 2. La 'odhët ta gyanukh şanamë, w la  
mëndanë nqirë khwathay...La kepët  
w mshabhët talay, w la khadmëttay.**
- 3. La yamët b shëmna d Marya Alaha  
diyukh b bañilutha.**
- 4. Tkhör yoma d Shabtha w ntorë.**

*W an ështa kharayë ilay bahas hubban ta kha  
khënna:*

## **ËŞRA PUQDANË (tamamëtta)**

**5. Myaqër babukh w yëmmukh**

**6. La qatlet**

**7. La zanët**

**8. La ganwët**

**9. La sahdhët sahdhutha d dugla.**

**10. La mshahët bakhta d qariwukh  
...w mal diyeh.**

**ËN SHAM'UKH TANETHA  
D ALAHA, BËD MATAY ŞLAWATHAN**

**Kul mëndi d talbukh béd hewëllan  
medë k'arukhlay puqdaneh w k'odhukh  
mëndanë dë kmapëşkilë.**

**1. Yohannan 3:22**

# TRE PUQDANĒ RABĒ

## HUBBA TA ALAHA


**1. Kēm jawēblē Isho! w merē: d ba'ēt Marya Alaha diyukh mēn kullē lēbbukh, w mēn kulla gyanukh, w mēn kullē khelukh, w mēn kullē honukh. Adhi lē puqdana raba w qamaya.**

Mattay 22:37,38

## HUBBA TA BARNASHA

**2. W o dē tre ilē: d ba'ēt qariwukh mēkh gyanukh.**

Mattay 22:39



Ēsrathnay puqdanē d Alaha (patha d 34,35) ilay b an tre puqdanē rabē.

**HUBBA ILË BËSH RABA  
MËN KUL MËNDI**

(1 Qorënthayë 13:1-8, 13)

**<sup>1</sup>Ën b kullay lëshanë dë bnenasha  
w malakhë maḥkën w ḥubba la hawebi,  
bëd hawën mëkh shaba d këmzamzëm ya  
şnujë d këmzangër. <sup>2</sup>W ën haweli khleta  
dë nwiyutha, w ën yedhën kullay  
mëndanë tëshyë w kulla idha!tha,  
w ën haweli kulla hemanutha wël d ibi  
dë mshanën turë, w ḥubba la hawebi,  
lewën mëndi. <sup>3</sup>W ën hewën kul mëndi  
d ëtti ta mëskenë, w ën msalmën paghri  
d payësh muqḏha, w ḥubba la hawebi,  
mëndi la kqanën. <sup>4</sup>T'ana d ḥubba  
yarikha ilë; ḥubba këmrahëm; ḥubba  
la k-ḥasëm; ḥubba la kshaqël ramutha  
w la kma!lë gyaneh.**

**5**Ḥubba la k'awēdh nēkhpa, w la kjayēl  
l mēndi dē gyaneh, w la kjagēr qalula,  
w la kēmtakhmēl b bēshta. **6**Ḥubba la  
kpaṣēkh b pēlmutha ēlla kpaṣēkh  
b ḥaqqutha. **7**L kul mēndi kēmsebēr,  
l kul mēndi kēmhemēn, l kul mēndi  
ksapēr, w l kul mēndi kṭa'ēn. **8**Ḥubba  
har la knapēl. Nwiyawatha bēd baṭli,  
w lēshanē bēd shatqi, w idha!ṭha bēd  
baṭla.


**13**Badam ani ilay ṭlatha mēndanē  
dē kthabti: Hemanutha w Ēmud  
w Ḥubba, w o raba diyay ilē Ḥubba.

## ALAHA ILĒ ḤUBBA

**Alaha ḥubba ilē. Kul mani d thabēt  
b ḥubba bēd thabēt b Alaha w Alaha  
bgaweh.**

1 Yoḥannan 4:16

# ISHO! KIBELUKH DĒ MBASHRĒT BGAWEH TA KHĒNNĒ



Isho! merë, "Si l bethukh w l gebëd  
nashwathukh, w imur talay kul mëndanë  
tawë dë 'wëdhlë talukh Marya, w dëkh  
hënnë w mruhëmlë ëllukh."

Marqus 5:19

## DĒKH BĒD YEDHUKH EMA LĒ YALA D ALAHA MĤAQQA

**Mĕn peray bĕd yedhutulay.** Mattay 7:20

**Perĕ d Ruḥa d Qudsha ani lay: Ḥubba,  
rwaza, shlama, msayĕbranutha, ḥaninutha,  
ṭawutha, aminutha, makkikhutha w 'raya  
dĕ gyana.** Galatayĕ 5:22,23

## YALA D ALAHA ḤAQQANI KSHAWĒQ TA KHĒNNĒ

**Ēn shwĕqlokhu ta khĕnnĕ gnahĕ diyay,  
ham Babokhun bĕ shmaya bĕd shawĕq  
ṭalokhun.** Mattay 6:14

## 7 MĒNDANĒ D LAKBELAY ALAHA

**Khyarta ramanitha, lĕshana mdaglana,  
idatha dĕ kshapkhi dĕmma zakkaya, lĕbba  
dĕ kĕmtakhmĕl b mĕndanĕ plimĕ, aqlatha  
dĕ k'arqi l 'urkha bĕshta, sahdhutha  
d dugla, w manpolĕ khĕnnĕ bĕghdhadhĕ.**

Mathĕ 6:17-19



## SHAHWATHA D PAGHRA

**Znaya, sghadha ta şanamë, harrashutha, sënyutha, hëmtha, h̄sama, sharrë, q̄tala, shtaya w rwaya. Anay dë k'odhi mëndanë mëkh ani, la kyarthila malkutha d Alaha.**

Galatayë 5:19-21

**La zannayë,..la ganawë...w la h̄samë...**

1 Qorënthayë 6:9-10


**SHWOQLË ISHO! D MALELUKH MËN  
RUHEH QADDISHA W MKHALLËLLUKH**

**Hadakh wawa khakma mënnokhun  
b qametha, bas pëshlokhun mkhullë  
w mqudshë b shëm̄ma d Maran Isho!  
Mshiha w b Ruha d Alaha.**

1 Qorënthayë 6:11

# MĤAQQA ITH GIHANA

(Qri Luqa 16:19-26)



Tkol l Isho! mĥaqqa. Awu bĕd kathulĕ shĕmmukh bĕ kthawa d khayĕ.

**Kul mani d la payĕsh khĕzya shĕmmeh  
kthiwa bĕ kthawa d khayĕ, bĕd payĕsh  
tliqa b yama d nura.** Gĕlyana 20:15

**BAS ISHO! ILË LKHODHEH 'URKHA  
TA ALAHA**

**Alaha këm hewëllan khayë abadinayë, w an  
khayë ilay b Bronëh.**

1 Yoḥannan 5:11

**Për'ona dë khṭitha ilë motha, ëlla khleta  
d Alaha ila khayë abadinayë b Maran Isho!  
Mshiḥa.**

Romayë 6:23

**Kul mani dë mhemën bë Brona ëttë  
khayë dël abad, w mani d la mhemën  
b Brona la k-khazë khayë, ëlla ḥëmtha  
d Alaha béd nakhëth ëlleh.**

Yoḥannan 3:36

**Merë ṭaleh Isho!, "Ana ivën 'urkha  
w ḥaqqutha w khayë. Nasha lebë d matë  
l gebëd Babi ëlla bgawi."**

Yoḥannan 14:6

## WA'DA W QOL D ALAHA TA YALEH

Marya merë, "La kshoqënnukh w la ktorën  
bgawukh." !Ebrayë (13:5)



Bëd mshadër l malakhë  
diyeh w béd paqëdh ëllay  
d natrilukh b kullay  
'urkhathukh.  
Mazmora 91:11

Nasha lebë d shaqëllay  
mën idha d Babi.  
Yohannan 10:29

Ana béd hawën  
ëmmokhun kullay  
yumatha wël khlašta  
d !alma. Mattay 28:20

La zadët mën mëndanë d zilët m!adhbët  
mënnay. Hwi amin wël motha, w ana béd  
hewënnukh klila d khayë. Gëlyana 2:10

Ham ën hawën b khëshka, Marya bë gyaneh béd  
hawë behra tali. Mikha 7:8

Qri l gebi w ana béd mjobënnukh. Eramya 33:3

# ISHO! ZILË ATHË GAHA KHËRTA

*Kullay nashë béd qemi mën benath mithë.*

**Ila bëqrawa !ëddana iman kul anay d ilay  
dmikhë b qorathay béd sham'ilë qaleh w béd  
qemi: ani dë 'wëdhlay tawatha béd qemi  
lë qyamta d khayë, w ani dë 'wëdhlay  
bishatha lë qyamta d dina.**

Yohannan 5:28,29

*Ani d ilay mithë bë Mshiha béd qemi qamayë.*

**Egaha ani d ilay bikhayë béd asqi l 'el  
ëmmëd mhuyëmnë khënnë w ëmmëd  
Maran b 'ewë dë shmayya, w hadakh  
béd peshukh ëmmëd Marya wël abad.**

1 Saloniqayë 4:17

**Hwo shyar w mşalo, med la kidhotun  
iman béd hoyä !ëddana.** Marqus 13:33

## DĒKH BĒD ATHĒ ISHO!?



Ha, ilë bithaya ëmmëd  
'ewë, w kul 'ena bëd  
khazyalë. Gëlyana 1:7

*Hwo shyar mën nyiwë  
w mshihë dagalë.*

Ën kha amerokhu,  
"Akha lë Mshihä,"  
ya, "tama lë,"  
la mhayëmnutun.

Ën amri talokhun, "L barayë ilë!"  
la paltutu, ya, "Gawayë ilë!" la  
mhayëmnutun ëllay. Mattay 24:23,26

ISHO! ZILË ATHĒ B 'EWË DĒ SHMAYYA.

Dëkh dë kbarëq bërqa mën masqana w k-matë  
behreh l magënyana, hadakh bëd hoyä ithetha  
dë Brona d Nasha. Kullay shawtë d ar'a bëd  
khazay Brona d Nasha bithaya b 'ewë  
dë shmayya b kbela w shuhä raba.

Mattay 24:27,30

## Mazmora d marë'yana ɥawa (Maz. 23)

Marya kmar'eli, w l mëndi la ksanqën.  
Kshawëqli d nekhën benath gëllë yaruqë.  
Knobëlli l maya d nabu'ë hëdyë.  
Kmanëkhla gyani w këmbasëmlay khayi.  
Kmarkhëshli b 'urkhatha ɥawë d zaddiqutha  
ta khatër shemmeh.  
Ham ën rakhshën b ra'olë 'amuqë  
w ɥëllalë d motha,  
Mën bështa la kzad'ën, med iwët ëmmi.  
Qatta w gupalla d shultanukh këmsaleli.  
Kparsëtta sëfra w mekholta qami barqul  
dëjmënë diyi.  
Kmarshëttë reshi b mëshha.  
Kmalëttë qatki wël d kshapëkh.  
B akidutha ɥawathukh w rahmë diyukh  
bëd haway ëmmi ëmmi  
kullay yumatha d khayi,  
W b betha d Marya bëd 'amrën  
w bëd sharën wël abad.